

NAQQIUT

(Siunnersuuteqartoq allanngorpoq)

10. oktober 2019

EM2019/33

Inatsisartut Suleriaasianni § 33. imm. 1 naapertorlugu aalajangiiffigisassatut siunnersuut imaaattoq matumuuna saqqummiuppara:

Meeqcanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaanni §9 imm. 1 allanngorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Taamaalilluni meeqqat illugiimmik angajoqqaallit, tamarmik sulisimappata imaluunniit ilinniartuuppata, kommunep ulluunerani paaqqinniffiinut ulluuneranilu paarsisarfinnut utaqqisut allattorsimaffianni meeqcanut kisimiittunik angajoqqaalinnut sulisimappata imaluunniit ilinniartuuppata assigimmik pineqarnissaat angujumallugu.

(Siumup Inatsisartunut ilaasortaatitai)

Tunngavilersuineq:

Inatsisartut inatsisaat atuuttoq meeqcanut suli atualinngitsunut perorsaanikkut inerikkiartuutaasunik ulluunerani neqeroorutaasoq¹ communalbestyrelip peqquvaa meeqqat ukioqanngitsuniit arfinililiinnissap tungaanut qinnuteqarnikkut meeraaqgerivimmut imaluunniit meeqgerivimmut inissiisinnaallutik imaluunniit kommunip ulluinnarni paaqqutarinniffiinut innersuussissalluni.²

Meeqqat tamarmik inissaqanngippata communalbestyrelip pisussaaffigaa utaqqisunik allattorsimaffiliussalluni³. Inissaq atorneeruppat, meeqqamut utaqqisunut allattorsimaffimiittumut tunniunneqassaaq. Inatsisartut inatsisaani §9 imm.1-mi malittarisassiunneqarsimavoq, communalbestyrelse qanoq iliorluni meeqcanik allattorsimaffimmi utaqqisunik tulleriaarissanersoq.

Meeqqat illugiinnik sulisunik imaluunniit ilinniartuusunit pilersuisullit, malittarisassiunneqartut naapertorlugit gruppe d-mut inissitaapput, meeqqallu illuinnarmik sulisunik imaluunniit

¹ Meeqcanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

² Inatsisartut inatsisaat pineqartoq §§7-8

³ Inatsisartut inatsisaat pineqartoq §8 imm. 3

ilinniartuusunit pilersuisullit gruppe c-mut inissitaallutik. Meeqqat gruppe c-miittut siulliunneqartarput meeqqanut gruppe d-miittunut naleqqiullugit.

Angajoqqaat ulluunerani nammineq meeqqaminnik paarsinissamik periarfissaqanngitsut, angerlarsimaffik qimallugu suliffeqarmata imaluunniit ilinniartuummata, assiginngitsumik pineqarput, apeqquataalluni pilersuisui aappariinnersut imaluunniit kisermanersut.

Assiginngissut nassuiassallugu ajornakusoorpoq, kisianni illersussallugu aamma nalorninarpoq.

Kommunip meeraaqqervinnut, meeqqerivinnut ulluuneranilu paaqqinnitarfinnut utaqqisunut allatugaataat utaqqisorpassuaqarsinnaapput.⁴ Tamanna angajoqqaanut suliffeqartunut imaluunniit ilinniartuusunut ajornartorsiuterujussuovoq, meerartimmi ulluunerani paaqqutarisinnaanngimmassuk. Ajornartorsiillu minnerunngilaq illugiimmik angajoqqaanut, taakkumi kiseraaatut assingulluinnartumik suliffeqarput imaluunniit ilinniartuullutik.

Isumaga naapertorlugu, naapertuilluarnerussaaq, Inatsisartut inatsisaat §9 imm. 1, allangortinneqarpat, angajoqqaat gruppe C-miittut aamma gruppe D-miittut naligissinneqarpata.

Aningaasaqarnikkut allaffissornikkullu pisortanut sunniutissai:

Siunnersuut allangortinneqarnissaa eqqarsaatigalugu inatsisissatut siunnersuutitullusooq suliarisariaqassaaq. Allaffissornikkut isumalluutit atugassavut naatsorsuutigineqarsinnaapput ukiup affaata tungaanut annertussuseqassasut, tamatumani nutsigassat, tusarniaanermut aamma inatsisitigut aaqqissuunnissaa eqqarsaatigalugu.

Siunnersuutigineqartoq kommunit meeqqerivinni inissamik tunisiniarneranni allaffissornikkut annikillisaataasoq. Naalakkersuisut siunertamisut inissaqartissappassuk aamma kommunit meeqqerivinni inissamik allaffisornerini suli ajornaallisarneqarsinnaapput gruppe e aamma gruppe f kattunneqartuuppata. Gruppe E tassaapput meeqqat pilersuisui illuinnaa angerlarsimaffiup avataani sulisoq imaluunniit ilinniartoq, aamma gruppe f meeqqap pilersuisui allallu kikkulluunniit pineqartut tamatumani kiseraat suliffeqaratillu ilinniartuunngitsut aamma ilaallutik.

Tassunga tunngatillugu oqaatigineqassaaq, Kulturimut, Ilinniartitaanermut, Ilisimatusarnermut Ilageeqarnermullu Ataatsimiitaliap isumaliutissuummini EM2016/55 nalunaarutigimmagu kommuninut tamanna artukkisoq, tamatumani patsisaasoq tassaammaat utaqqisut allattorsimaffi assaannarmik ingerlanneqarmata.

Pingaarnersiusarnermi malittarisassat oqilisaanneqartuuppata naatsorsuutigineqarsinnaammat kommunit allaffissornikkut oqilisarneqassasut.

⁴ Til illustration fremgår det af Naalakkersuisuts svarnotat til 1. behandlingen af EM2016/55, at der pr. 11. november 2015 stod i alt 416 børn på venteliste i landets kommuner.

Pisortanut aningaasatigut allaffissornikkullu kingunerisassat:

Namminersorluni inuussutissarsiuteqarnermut aningaasatigut allaffissornikkullu kingunerisassat:

Ilimagineqanngilaq siunnersuut namminersorluni inuussutissarsiuteqarnermut aningaasatigut allaffissornikkullu kinguneqassasoq.

Innuttaasunut aningaasatigut allaffissornikkullu kingunerisassat:

Siunnersuutip nassatarissavaa, meeqqat illugiimmik sulisunik ilinniartunilluunniit pilersuisuillit, utaqqisut allattorsimaffianni allatulli kommunip ulluinnarni paaqqinnittarfiutaanni inissaqalernissaat eqqarsaatigalugu naligiimmik pineqalissasut, soorlu meeqqat illuinnarmik pilersuisuisua suliffeqarpata ilinniartuuppataluunniit assigalugit naligalugillu pineqalissasut.

Siunnersuut allatigut innuttaasunut kinguneqarnissaa naatsorsuutigineqanngilaq.